

La grafie unificade de lenghe furlane e à fat trente agns

Publicât il gnûf manuâl in version plurilengâl par furlan, talian, inglês e spagnûl

Ai 15 di Lui dal 1986 e vignive fate buine dal Consei Provinciâl di Udin, in cunvigne cu lis Provinciis di Gurize e Pordenon, la propueste par une grafie unificade de lenghe furlane, daspò deventade grafie ufficiâl cu la L.R. 15/1996.

La grafie e jere stade elaborade dal prof. Xavier Lamuela, catalan, docent di filologie romanze te Universitat Autonome di Barcelone, espert di lenghe furlane e grande autoritât linguistiche. Lamuela al jere stât incjariât de stesse Provincie di Udin, su indicazion de Comission pe grafie istituidé cun chel fin.

La Comission - componude di Adrian Cescje (president), Silvana Fachin Schiavi, Giovanni Frau, Amedeo Giacomini, Aldo Moretti, Gianni Nazzi, Etelredo Pascolo, Nero Perini, Giancarlo Ricci, Piera Rizzolatti e Eraldo Sgubin - e veve fatis diversis propuestis di presentâ al professôr Lamuela, che al veve di operâ une sielte par rivâ a un sisteme che al fos il plui coerent pussibil. Intal 1985, cuant che si son tacâts a fâ i prins pas par rivâ ae grafie unificade, in Friûl a jerin plui sistemis di grafie intal ûs scrit. Il sisteme di Lamuela al ejapà tant che riferiment chel doprât de Societât Filologiche Furlane, elaborant intal stes moment une propueste leade a un model di lenghe normalizade.

A 30 agns di chê date, tal mês di Lui dal 2016, la ARLeF e à dât apontament ai protagoniscj di ûr e di vuê inte sede de Region F-VJ a Udin, par memoreâ l'inovâl di chel che al è stât il



prin at istituzional di une gnove politiche linguistiche pe lenghe furlane, e l'impartant travuart li che si è rivâts.
«Par cemût che al è organizât cumò il mont des lenghis, a ognidune di chestis i covente une convenzion unificante par afermâsi, par vivi e par là di là de forme spontanî - al aferme Xavier Lamuela, “pari” de grafie unificade dal furlan -. La lenghe e à bisugne di convenzioni e di organizazion par vivi, l'ûs

spontani nol baste, e il ricognissiment politic dal 1986 al è stât determinant in chest sens». In ocasion dal inovâl, al è stât presentât il gnûf manuâl de “La grafie ufficiâl de lenghe furlane” in version plurilengâl (furlan, talian e inglês).

La gnoe edizion - la precedente e jere stade publicade intal 2002 dal Osservatori regional de Lenghe e de culture Furlanis - e rinfuarce ancjemò di plui la difusion de grafie ufficiâl e - come che al à dit il president de ARLeF, Lorenzo Fabbro - e da la possibilitât di doprâ il furlan in maniere corete a ogni nivel de comunicazion formâl: a benefici di ducj i furlans e - in graciis des traduzions par talian, inglês e spagnûl - anche di chei che, dal di fûr, a vuelin svinçâsi ae lenghe furlane e imparâ anche a scrivile.

Vuê l'ûs de grafie ufficiâl si è slargjât anche midiant dai imprescj informaticas tant che il Dizionario ortografic furlan, il Coretor ortografic furlan e il Grant Dizionario Bilengâl che a ân dimostrât un grant valôr. Cul gnûf manuâl plurilengâl, massime par inglês e par spagnûl, la ARLeF e intint promovi la cognossince e l'ûs de grafie ufficiâl in ogni ambit e soreduòt in ogni Païs, rivant cussì fin ai furlans che a vivin tal forest e aes gnovis gjenerazions.

La version in cjarte dal manuâl si può ritirâ tai uffici de ARLeF in vie de Prefeture 13, 33100 Udin.

La version in Pdf si può scjariâ a gratis dal sit de ARLeF (www.arlef.it).

Diplomâts i prins 23 insegnants in stât di doprâ “Lenghis” inte didatiche in Marilenghe

A son stâts consegnâts, li de sede istituzional de Region F-VJ a Udin, i diplomi ai 23 insegnants che a ân partecipât al prin Cors organizât de ARLeF par imparâ a doprâ e programâ “Lenghis” intal insegnament scolastic de lenghe furlane. I diplomâts a insegnin intes scuelis primarii e secondarii di prin e di secont grât de region.

“Lenghis. Laboratori di Didatiche Interatif” al è un strument informatic ideât de cooperative Clap: Centri di linguistiche aplicade Agnul Pitane, cu la poie de ARLeF. Al consist intune Biblioteche digijital e intun Laboratori di esercitazions linguistichis par une o plui lenghis in rapuart mutuâl. La Biblioteche e pues vê dentri tesej di divers gjenars e tipologii; e pues jessi insiorade cence limits e pandude inte rêt a disposizion di ognidun che al dopre il strument, e e pues jessi personalizade di un utent singul. Il Laboratori al è un “gjeneradôr” di unitâts di ativitâts o di esercitazions variis par ogni test e duncje al è metût dentri intune “lavagne” pes esercitazions stessis. “Lenghis” al pues jessi



implementât di cui che lu dopre. Cun chest gnûf strument la ARLeF, la Region e l'Ufici scolastic a ân intindût dâ un altri contribût ae domande dai docents di podê doprâ strumenti didactics modernis, e che si puedin modulâ daûr des competencis sedi dai arlêfs che dai insegnants.